





H. XIII. 8

Nova-Tacina. Litera-

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.
Miscellaneorum

DECADIS II.
EXERCITATIO VI.

De

VOLVPTA-

TIS NATURA ET

Constitutione

Physiologica & Historica

*Ad sententiarum collationem in Gymnasio Gedanensi
proposita*

PRÆSIDE

HENRICO NICOLAI

Phil: Professore Publico

Respondentis partes tenente

JOHANNE NERLICHIO, Lesnensi Polono.

Ad diem 6. Aprilis, S. N.

In Auditorio Philosophico

Horis ab 7. matutinis.

o (90)

GEDANI. Typographo GEORGIO RHETIO ex-
scripta ANNO 1637.

Nobilissimis, Strenuis, Amplissimis, Consultissimisq;

DOMINIS

Dn. ARNOLDO DILGERO, Judici-
orum publicorum inclutæ ac celeberrimæ
Reip. Gedanensis Asfessori.

Dn. RABANO GIESEN, centum viratus
ejusdem Reip. membro primario, & rei arma-
mentariæ præfecto dignissimo.

NEC NON

Humanitate juxtim ac integritate conspicuo

Dn. JOHANNI ROCKHOLTIO Reip
Gedanensis Civi primario.

*Magnis literarum & literatorum patronis, Dominis a
Mæcenatibus suis perpetuo honoris cultu observandi.
Hanc de voluptate dissertationem officiosè offerre
& consecrare voluit*

JOHANNES NERLICHIVS Lesnâ Pol.

Respondens,

De Voluptate.

I.

PErpetua in reb⁹ humanis doloris & voluptatis
 mixtura est, & ubi uber, ibi tuber reperitur, eleganter il-
 le à Madaurâ Philosophus in 4. Flor. ait. Vbi cunq; dulce
 est, ibi & acidum inuenies, id reddit Arbiter p. 34.
 sat. Et luculentè asurgit Comicus in Amph. a. 2. f. 2. cum
 ita dijs placitum ait, voluptatem ut mæror comes consequa-
 tur. Quin incommodi plus malig, illicò adsit, boni si obtigit
 quid. Ille Macedonia Tyrannus id nôrat, cum rebus pluri-
 mis unâ luce feliciter patratis non gaudio insolenter exsilijs,
 sed passis in cælum lacertis, O fortuna, inquit, pro tantis bonis
 levi succutere malo sustineas. Quando rerum conditio læ-
 rum tristi sparsum habet, & dolor ac voluptas invicem cedunt:
 non citra rem erit, doloris speculationi voluptatis considerati-
 onem subungere. Itaq; dolore precedente exercitatione
 discusso, jam quid voluptas sit, inquiremus. Ne voluptate
 nos perfundi sentiamus, & quid ipsa sit, fædâ supinitate nos
 ignorare cum circumscriptis quorundam animis patiamur, qui
 in tenebris ignavo marcescere otio, quàm in luce ac pulvere
 cum labore versari malunt, ut Scaligeri verba sunt ex. 6. f. 4.
 quiq; in superficie ac supinitate, quam ipsi vocant simplicita-
 tem, contemplationis nostræ posuerunt finem. Ac curiosos
 cæteros vocant, & Scholasticos: Cum ipsi hoc, quod benè di-
 cunt, amant nescire sese, quare aut quomodo dicant. Afini si-
 miles, qui triticum ad molas ferunt. Recti namq; officij ui-
 gnorant

ignorant finem, ejusdem verbis ex. 249. f. 3. Cumq; parum sciē in voluptatis cognitione ac judicatione seipsos prisci modificārint, ut idem loquitur ex. 299. f. 2. curiosus latentem ejusdem indolem disceptando perquirere necessum erit.

2. Dari in rebus humanis voluptatem & sensuum & intellectus, experientiā patet, & ex contrario ejus, dolore, facile liquere potest. In sensu voluptatem esse qui negat, nunquam conspexit viridariorum amēnitates, ait Scalig ex. 299. f. 2. Intellectum voluptate perfundi contemplantium jucunditates docent. Subtilitates enim vegetis ingenijs summam cognoscendi adferunt voluptatem, dicente eodem ex. 307. f. 3. Socrates integrum diem immobilis in jucundā speculatione transigebat, donec quasita invenisset. Goclen. adv. §. 10. Archimedes juvenione suā defixus prae gaudio in publicum nudus progressus suum Evēxa: Evēxa, exclamat. Vitruv. l. 10. Sed ubi & quot modis spectari queat voluptas, hic velut praecogniti loco ostendendum. Considerari potest vel ut hominē ejusq; statui a Deo primū concreata fuit, ubi in integritate omnia sincera voluptatis plena fuerunt, expertia doloris, morboris: Ita Theologo in felicitate primi status hominis considerabitur: Vel ut operationum moralium consequens est. Ita Ethicus eam ut consequens summi boni aetiorumq; moralium assumet: Vel ut certis hominibus magno studio captata ac exercitata fuit. Ita Historico & Philologo spectanda adjicietur. Sic voluptatem antediluvianorum ex sacra historia, Gen. 6. v. 1. Matt. 24. v. 38. Sodomitarum ex Gen. 19. Ezech. 16. v. 49. Luc. 17. v. 28. Sybaritarum ex Athenæo l. 12. c. 6. Sicularum ex eodem c. 5. Persarum & Lydorum ex c. 3. & 4. alijsq; percenset Historicus: Vel ut moderatē in Republica servanda ac exercenda conceditur, jussuq; repagulis determinatur: Ita de exercitijs voluptarijs & relaxationibus Principis, Magistratus, Civium praecipit Politiis inter cetera

sua

sua disciplina praecepta: Vel ut intellectuum aut sensuum exteriorum quoddam est additamentum, ita Physiologo velut doloris oppositum advertenda erit, & nostrae disquisitioni magnam partem subjicietur. Ita tamen, ut & cæterarum specierum aliquam rationem in divisione teneamus.

3. *Premisso, ubi consideretur voluptas, addenda nominis est evolutio. Ea per homonymiam, Etymologiam & Synonymiam expediatur. Homonymicè sumitur voluptas vel Tropicè vel propriè. Tropicè 1. pro causâ & objecto voluptatis. Ita amicum, conjugem, filium, magnam nostram voluptatem vocamus. Sic ap. Plantum in Cas. a. 2. f. 8. *Ut ego vix reprimo labra, quin te deosculer, voluptas mea. Apuleius. mea festivitas dixit. 2. metam. p. 119. 2. Synecdochicè pro voluptate corporis, nobis cum bellis communi & animi bona evertente. Cicero d. senect. §. 44. Divinus Platonem estam malorum voluptatem appellat. Plin. præf. l. 14. N. H. Ergo Hercule voluptas vivere cepit, vita ipsa desit. Conf. eundem l. 36. c. 1. Cyprian. d. bono pudic. *viciisse voluptatem maxima est voluptas: 3. pro publicis oblectamentis, quæ in Republicâ ex gladiatorum spectaculis percipiuntur. Sic Apulej. 1. metam. p. 105. voluptatem gladiatorij spectaculi dixit. Et nota ad Minucium Felicem, gladiatores publicis voluptatibus deputatos dicunt. 4. pro qualitate & conditione ejus, quod volupe est, unde quasi voluptas dicitur, ut à facili facultas. 5. Propriè sumitur generaliter pro oblectatione s. gratiâ perceptione voluptaria qualitatis in illo, quod volupe est, sive animi s. corporis, sive honestum sive inhonestum, sive naturale sive morale illud objectum sit. Ita hic sumitur. Quidam semper turpis significati eam esse volunt. Sed & generalis hujus extant usurpata apud Authores. Sic Cice. 1. d. finib. §. 25. recta & honesta quæ sunt, ea faciunt ipsa per se latitiam, i. e. voluptatem. Idem §. 37. Omne***

id, quo gaudemus, voluptas est, ut omne id, quo offendimur, dolor, & doloris omnis privatio rectè nominata est voluptas. Etymologicè voluptas derivationem Logicam non habet, quia ipsa ultimè abstracta significationis est, aliud se prius significatum non habens, unde denominetur: Sed ipsa cæteris ut concretis denominationem largitur. Vndè ab eâ Logicè volupis & volupe, voluptarius, (pro quo Barbarè dicitur voluptuarius: nam ut à voluntas voluntarius, non voluntuarius, sic à voluptas voluptarius, non voluptuarius) voluptabilis ap. Plautum Epid. a. 1. s. l. voluptuosus, unde voluptuosa res ap. Plinium l. 2. ep. 13. voluptari ap. Apulej. 9. metam. p. 219. pro libidinari. Daphne mero & prandio matutino saucia cum suis adulteris voluptatur, ut Elmenhorst. legit. Alij volutari legunt, ut Beroaldus. Et quæ similia inde derivantur. Grammaticè dicitur à volendo & volupe, quod sit qualitas ejus, quod volupe est ac volumus. Vnde à voloe est voluptus, volupe, & hinc voluptas & contrahendo voluptas: & ut quibusdam placet, apud Comicos etiam volptas: Conf. Becman. origin. sub voce figura. Synonymicè dicitur etiam, jucunditas, voluptas, volptas, delectatio, doloris vacuitas, suavitas, festivitas Apulejo p. 119. Romanæ Voluptas dea præses voluptatum fingeatur. Delitia, voluptaria ratio, recreatio, affectio grata, natura conveniens. Placentiam etiam Latine dicere possumus cum Scalig. ex. 299. s. 2. tranquillitatem & securitatem animi q. compositis rebus ex sententiâ quiescentis, &c. Græcis ἡδονή, quam Plato quasi ἡ οὐκ ἐκείνη putat, quod sit actio πρὸς ἑνὸς. Rectius ab ἡδω oblecto, quasi ab ἀδω, Et ab Hebr. עוּל, unde ἡדוּס, ἡדומא, & alia. Hebr. עוּל, unde hortus Eden, hortus voluptatis, Gen. 2. v. 8. ut Latinus reddidit. Germanus Wollust/ à wel, & lust, Belgus weelde/ à velle, &c.

4. *Nomine explicato res absolute in definitione, causis, subjecto, divisione & affectione expeditur.*

5. *Definitio sit: Voluptas est objecti temperate subiectum afficientis jucunda perceptio, suaviter illud perficiens.*

6. *In definitione est & genus & differentia. Genus est jucunda perceptio. Perceptio est receptio objecti afficientis in sensorium, aut facultatem quamcunque receptivam. Lucunditas est suavis & natura conveniens objecti moderatio, quâ ad immoderationem vel excessivè vel defectivè illud non deflectit. Voluptas ergo est passio jucunda; quemadmodum dolor erat acerba, dis: 5. th: 6. Ita ergo passio est genus ad voluptatem & dolorem, velut species sibi subiectas: passio vel receptio jucunda est genus proximum voluptatis ad species varias sub voluptate subiectas, quas, quia nomine proprio & specifico, quo enuntientur, carent, cum additamento vocamus naturales, spirituales, sensitivas, intellectivas, &c. Ut th. 17. patebit. De cæteris varietatibus in genere voluptatis, dum vel sensationem lætam, vel motum aut affectum, vel rem convenientem natura, vel qualitatem aut dispositionem, vel commune omnium passionum genus quidam eam definiunt, th: 7. 8. 9. 10. 11. disput. 5. videantur. Vnde quæ de doloris genere sunt disputata, per analogiam de voluptate sunt intelligenda. Et sic tractatione istorum commodè hic supersedetur. Goclen in adversi: n. 10. duplicem facit voluptatem: unam, quæ sit convenientis speciei perceptio, quæ in apprehensione sensus vel intellectus sita sit: alteram, quæ sit ἀπόλαυσις s. fruiio perceptionis, quæ in iudicio aut memoriâ perceptæ rei consistat. Vtrobique esse voluptatem. Si perceptio de passione sumatur, verè voluptas perceptio dici potest, ut & de dolore est dictum d. 5. c. 7. Memoria præteritæ voluptatis est quasi voluptas iterata, quando objectum receptione velut præsens sistitur, & afficere*

Subiectum suaviter cogitatur. Vnde Aristot. I. Rhet. c. II. jucunda vel in sensu presentium, vel memoria prateritorum, vel spe futurorum consistere ait.

7. *Ex differentiâ dicitur perceptio objecti moderatè subiectum efficientis. Quæ desumpta est ab efficiente & fine. Efficiens est objectum moderatè subiectum efficiens. Objectum est, quod potentia receptiva obijciatur, & de potentia in actum eam deducit. Ita objectum visus, quod actu illam facultatem, circa aliquod occupari videndo facit, ut color, lux: auditus, quod actu audiri aliquid facit à facultate audiente, ut sonus. Ita in voluptate aliquid requiritur, quod virtuti recipienti obijciatur, eamq; actu operari faciat. Subiectum est, quod ab objecto afficitur, ejusq; actionem in se recipit. Objectum moderatè afficere dicitur. Estq; hic vel res, quæ realiter subiectum afficit, e. g. cum vinum bibitur, vinum est res oblectans: vel species rei cogitando repræsentata, v. g. cum precedens vini oblectatio cogitando præsens sistitur, & tum iterum voluptas aliqua subiecto conciliatur. Virobiq; voluptas est. V. c. 6. Moderatè afficere est convenienter subiecto & proportionatè afficere, ut per illud nec exvertatur subiectum recipiens, nec in statu naturali & conveniente turbetur, aut ad præternaturalem detradatur. Ergo in voluptate objectum moderatè afficere debet, i. e. convenienter, proportionatè, suaviter subiecto spectato, non nimium. Hoc formale est in efficiendâ voluptate, subiectum moderatè, i. e. convenienter, temperatè afficere. Et hac causâ velut continente posita statim ponitur voluptas: remota tollitur. Et probatur I. Causam voluptatis proximam causa doloris proxima contrariam esse oportet. Sunt enim dolor & voluptas contraria: E. & eorum causa continentes contraria. Contrariorum enim consequentium & effectorum sunt contraria antecedentia & causa. Sed causa doloris proxima erat objectum immoder-*
ratè sub-

natè subjectum afficiens, per d. 5. th. 12. E. causa voluptatis proxima erit obiectum moderatè & suaviter subjectum passibile afficiens. 2. Positâ suavi affectione subjecti necessariò ponitur voluptas, tanquam consequens illam ex naturâ rei. E. illa est proxima causa voluptatis & velut formalis. Nam ubi ponitur aliquid necessariò ad rem requisitum, & ex naturâ rei est prius ipsâ re, id necessariò est causa istius rei. Sed ita suavis affectio ad voluptatem se habet. Nomina enim ullam voluptatis speciem, in quâ non sit jucunda subjecti recipientis ab obiecto determinatio? Nam ubi voluptas, ibi oblectatio vel sensus, vel intellectus, vel voluntatis. At ubi oblectatio, ibi obiectum aliquod oblectans esse potest. Aut remotione talem subjecti determinationem, & vide, quâ voluptatem statuere queas? E. ea jure pro proximâ causâ agnoscenda est.

8. Multa contra hanc causam voluptatis moveri possunt, quorum aliqua hic tangenda. Dices 1. Illa causa non competit omni voluptatis speciei. Nam voluptas ex beatificâ visione Dei est summa voluptas, & si obiectum eminentissimò modo afficiat intellectum. E. non est universalis, & consequenter nec vera. R. Distinguendum inter obiectum, & afficiendi modum in obiecto. Obiectum, quod voluptatem infert, potest esse eminentissimum: modus tamen afficiendi subjectum temperatus & conveniens illi sit oportet, secus evertet subjectum, non evehet. Idem est in visione beatificâ. Deus est obiectum eminentissimum: Modus tamen, quo se Creatura videndum exhibet, creatura conveniens & a temperatus sit oportet, nisi creatura in totum destrui debeat. Recipiens enim recipit secundum modum suæ receptivitatis, vel naturalem, vel adventitium & communicatum. Et sic est proportio inter obiectum visum & facultatem videntem, diviniùs elevatam, & ad videndum Deum erectam. Secus si

Deus

Deus omni suo modo, quo potest, se creato videndum exhiberet, & creatum nec naturaliter aptum ad videndum esset, nec supernaturaliter elevatum, in nihilum redigeretur creatum. Videbimus Deum, sicuti est, 1. Joh. 3. v. 2. sed modo, quo in nostrâ visione divinitus elevatâ esse potest. Sic videmus solem, sicuti est, sed modo, quo ab nostro oculo recipi potest. Dices: Deus est infinito modo perfectus. E. nos infinito modo perfectio videbimus. R. Non sequitur, sed hoc tantum: E. videbimus eum, qui infinito modo perfectus est, non quasi noster modus videndi infinite perfectus futurus sit. Sic sol est lucidissimo modo splendens, qui in natura est. E. nos videmus eum, qui lucidissimo modo in naturâ splendet. Non autem: E. nos lucidissimo modo, qui in naturâ esse potest, videmus. Ad modum ipsius rei visæ, non nostræ visionis est accommodandum.

9. 2. *Semper est proportio moderationis vel convenientiæ inter objectum voluptariû, & subjectû recipiens istud, sed vel naturaliter, vel elevatè & praternaturaliter se habens. In visione beatificâ est proportio inter Deû & nostrû visû nō naturaliter se habentē, sed supernaturaliter per divinâ gratiâ ad videndum elevatum. Et sic in hac voluptate adhuc objectum temperatè afficit subjectum recipiens, quia elevatum est ad videndum Deum, & sic nactum est proportionem videndi: quare cum ab objecto, Deo, afficitur, temperatè s. convenienter pro tali statu elevato affici creditur, & sic voluptate perfunditur. Temperatio hic opponenda est injucunditati, acerbitati & ingratia, ut ita dicam, perceptionis: non sublimitati, eminentiæ, vel excellentiæ. 3. Si omninò hic temperatio afficiens objecti turbetur, distinguendum erit inter voluptatem naturalem, de quâ desinitio loquitur, & ultrâ non est extendenda, ubi semper proportio requiritur: & supernaturalem, qualis est visio beatifica. In quâ, quomodo res circa convenientiam vel non convenientiam habeat, frustrâ à*

strà à Philosopho requiras, qui ad illud Ens, visionem beatificam, mero lumine naturæ se extendere non potest, cum sit mere revelationis modus: sed à Theologo postulabis, qui & ens & convenientiam modorum exponere poterit: aut se, ut plura alia horum, ignorare, & ad ipsam intuitivam Dei semper Patris visionem reservare oportere fatebitur.

10. Dices 2. Voluptas ex studijs & intellectu or-
ta tantò est major, quantò excelsius objectum cognitum afficit
subjectum cognoscendum, Non ibi moderatio affectionis requi-
ritur. Ita cò maiore voluptate perfunduntur docti, quò sub-
tilius objectum percipiunt. E. nec in hac voluptate ista causa
procedit. R. Distinguendum inter modum afficiendi excel-
lentem & excedentem. Excellens esse potest, & cum vo-
luptate consistere: excedens non. Cum objectum eminentissi-
mo modo est cognitum, tam excellenti modo potentiam cognos-
centem afficit, manendo tamen intra proportionem, & eve-
hendo in clariorem cognitionem subjectum, non evertendo.
Intellectus ad talem cognitionem recipiendam capax est & ha-
bilis, nec per eam evertitur, sed extollitur & perficitur. Et
hactenus est conveniens illi & temperata affectio, adeoq; vo-
luptas. Sic excellens color nisi modum excedat, suaviter af-
ficit visum, & sic temperatè dicitur afficere, & si in se excel-
lenti modo afficiat, dum non modò evertat ipsum, dicitur mo-
deratè afficere. - 3. Cum Deus hominem prophetico lumine
illustrat, tum clarissime afficit ejus intellectum, non tempera-
tè saltem. Sic Danielelem; Esaiam. Et tamen ibi summa vo-
luptas. E. non adequata voluptatis causa, temperata affectio.
R. Deus illustrans intellectum temperatè afficit intellectum,
quà divinitus ad cognoscendum est elevatus, & sic non everti-
tur per illam illustrationem int. lectus, sed convenienter ex-
altando afficitur: Esi intellectus mere naturaliter se habens
adea foris non capax, & sic immoderatè affici ducendus sit.

Conferenda hic est illustratio divina, & intellectus divinè elevatus, sic erit conveniens affectio, & sic voluptas: non inconveniens, & sic dolor: Non lumen divinum & intellectus merè naturaliter se habens: Et licet hoc modo spectetur, manet tamen temperatio. Quia intellectus per illas revelationes non destruitur, sed perficitur.

II. 4. Deus cognoscens se ipsum summâ voluptate perfunditur. Et tamen hic non moderata, sed excelsissima & infinita intellectus divini est affectio. R. Est excelsissima affectio ratione modi: temperata ratione subjecti, quod afficitur, intellectus divini. Ille talis affectionis est capax: quia & ipse infinitus, non corrumpitur per eam, & sic manet moderatio, i. e. convenientia talis affectionis, excelsissima & infinita, ad talem intellectum, excelsissimum & infinitum. 5. Voluptas Venerea est summa voluptas. Et tamen intemperatè afficit, habetq. ejusmodi adjunctum incendium, ut penè à nobis alieni feramur eò, ut Scal. loquitur ex. 299. f. 2. E. nec hic illa voluptatis proxima causa est. R. Voluptas Venerea temperatè afficit, quia convenienter animali afficit: & si aliàs eum incendio impetug. quodam id fiat. Impetus ille non convertit animal, nec est illi disproportionatus, sed servat; itaq. conveniens illi & moderatus dicitur. Sic gulosus impetuosè fertur in alimenta, & tamen voluptate fruitur. Quia iste impetus conveniens illi est, non disproportionatus, sicq. temperatè afficere dicitur. Sic dolor dicitur excessivè afficere, non quasi semper sit excessus quidam, nam fames & sitis ex defectu sunt, V. d. 5. t. 19. Sed quòd disconveniens & improporcionata animali sit affectio, quæ molester & insuaviter afficiat illud, non evehat aut perficiat. Sic voluptas moderatè afficit, quia convenienter animali, & si non semper præcuse in medio consistat. Excessus hic est quicunque egressus à proportionem ad extrema, sive ad summum s. imum, Conf.

Scalig.

Scalig. c. l. Goclen. in advers. §. 32. Non praeiudicium est excessus ratione modi, sed affectionis subjecti, quod id praeter naturam afficiatur. 6. Titillatio voluptatem parit. Et tamen minimum afficit, ut minima tactus perspersio in partibus spirituosissimis & laxioribus. E. non semper ita moderatio affectionis servanda. R. Titillatio minimum afficit, respectu habito ad tactum, cuius sensorium leviter stringitur, non vehementer: Sed moderate afficitur habitus convenientia ad subiectum, quod competenter afficitur, non disproportionatè, ut de statu suo naturali deturbetur, aut injucundè molestetur. 7. Voluptas est accidens perfectionem vivis comitans. E. non est ipsa perfectio. Et sic nec perceptio. R. Non est perceptio, si perceptio pro sensatione sumatur: Est, si pro passionis ex sensatione vel perceptione conveniente oriatur. Non est perfectio essentialis: bene accidentalis. Perceptionis vox est ambigua. V. d. 5. t. 7.

12. Dicitur porrò in definitione, obiectum suaviter afficere subiectum. Hoc quodnam sit, inquirendum. In dolore dicebatur, obiectum afficere sensorium externum. d. 5. t. 16. Sed hic ita determinatè subiectum constringi nequit. Quia voluptas latius funditur dolore, & pluribus rebus competere potest, quàm dolor. Hic propriè Physicis rebus inest & sentientibus ac corporis. Illa & spiritualibus & supernaturalibus rebus. E. hic generaliter tantum dicitur affici subiectum, i. e. omne istud, quod voluptatis est capax, ac à suavi obiecto jucundè recreari potest. Subiectum hoc vel est spirituale, vel corporale. Spirituale vel infinitum vel finitum. Infinitum, ut Deus. Hic summam perpetuamque voluptate in seipso & à seipso perfunditur, & ipse sibi est & obiectum voluptarium, & subiectum voluptate perfusum. Nec aliquid extrà ipsi accedere putandum est, quod voluptatem ipsi inferat. Sed ut ipse sibi est omnia, intra omnia, supra

omnia, præter omnia: Ita & sibi sua est voluptas indefecta & constantissima. Vnde Aristot. eum per se ipsum beatum vocat quia talis sit per naturam. l. 7. Polit. c. 1. Et ut ab æterno in æternum immutabilis persistit, Psal. 90. v. 2. Ita & perpetua sibi voluptas immutabiliter consistit. Hac voluptas superioris ordinis ab omni naturali est, nec à nobis perfectè intelligibilis, nec explicabilis. Scriptura beatitatis nomine eam vocat. 1. Tim. I. v. II. c. 6. v. 15. lætitia, Psal. 16. v. 11. lucis, Psal. 36. v. 10. Et inde nos lætificari ait. Psal. 36. v. 9. Act. 2. v. 28. Et pluribus de eâ in Theologicis. Philosophi aliquid de illâ etiam per naturam cognoverunt, ut ex Aristot. c. 1. & l. 2. ma. moral. c. 15. l. 1. d. cœl. c. 9. t. 100. l. 10. Eth. Nicom. c. 8. Apulejo l. d. mundo, & in Trismeg. d. nat. deor. & l. d. Deo Socratis, alysg. patet.

13. Subjectum finitum vel est incorporeum, vel corporeum. Incorporeum, ut angelus & anima separata. His voluptates competunt, sed spirituales & superioris ordinis, quàm corporeæ. Hæ voluptates sunt vel intellectus, ut ex contemplatione orta, eamq. secuta, V. t. 3. Vel voluntatis, quæ operationes morales sequuntur, & gaudium secum habent. Sic angelis tribuitur voluptas & gaudium. Luc. 15. v. 19. exultatio. Luc. 2. v. 13. Sic cœlestibus. Apoc. 12. v. 12. animabus Apostolorum & Prophetarum, Apoc. 18. v. 20. Corporeum, quod ex formâ & materiâ est compositum. Hoc vel animatum, vel inanimatum. Animatum, quod formâ vivâ est præditum. Hoc vel sentiens, vel non sentiens. Sentiens vel rationale, ut homo, vel bestiale, ut brutum. Sentienti voluptas primò tribuitur, ut & dolor, quæ inde corporeæ vocantur. Et de hoc primò intelligenda voluptas, th. 5. definita, & si in proportionem ad aliorum subjectorum creatorum, ut angelorum & animarum voluptatem eam extendere fas sit. Ita usitatum est in speciebus analogis, ubi una per
prius

prius est aliquid, altera per posterius, potiore analogati spe-
 ciem respicere, & ejus intuitu rem definire. Sic Aristoteles
 demonstrationem definiturus præcipuam & nobiliorem de-
 finijt, ex cujus naturâ per analogiam de alterâ judicandum e-
 rit. Ita ergo subiectum voluptatis totale & denominationis
 erit animal rationale vel bestiale. Sic in Adamo integro fu-
 it summa voluptas corporis, animi & loci: In Christo volu-
 ptates mentis sincera fuerunt. V. Luc. 10. v. 21. Corpore
 temperatissima & rara. Flevit sæpius, V. d. 5. t. 18. Ridere
 nunquam visus est, ut Lentulus ad Tiberium scripsit: Et in a-
 nimali appetitus sensitivus, sensorium externum, & partes
 sensibus instructa. Ita titillando in quibusdam partibus vo-
 luptas cietur. V. t. 19. Non sentiens, quod animâ vivâ non
 sentiente est præditum, ut planta. Huic per analogiam vo-
 luptas tribuitur, sic & dolor. Ita ergo palmam gaudere di-
 cimus simili palmâ, corylum myrto, juniperum oleâ, & ad e-
 am latissimè provenire. Contrâ quedam alijs junc-ta tri-
 stantur, & velut dolent, ut aconitum & rutâ. Plin. l. 20. c.
 13. vinum brassicam refugit, & in adversam torquetur par-
 tem. Inanimatum, quod formâ non vivâ est præditum.
 Huic æquivocè interdum voluptas tribuitur, ob sympathiam,
 ob quam suaviter unum alteri junc-tum esse deprehendimus.
 Sic magnes delectari ferro dicitur, quia libenter illi junc-tus
 est, illudq; avidè attrahit. Selenites lapis ex Arabiâ ad Luna
 incrementa velut voluptate perfunditur, ac eâ crescente tur-
 get, decrescnte subsidit, Gocle. tr. d. ungu. arm. p. 46.

14. Contra subiecti voluptarij doctrinam ita objicitur:
 Dolor erat passio sensorij externi. d. 5. t. 16. E. & voluptas
 ejusdem esse debet. Nam contraria in eodem sunt subje-
 cto. R. dolor ibi definitus est dolor Physicus, tanquam pri-
 marium analogatum, cujus subiectum totale est animal, pro-
 ximum & partiale sensorium externum. Ejus oppositum est

voluptas Physica, qua similiter sensus externi ut proximi
 subjecti est affectio. Et ita sunt in eodem subjecto. Sic vo-
 luptas omnino in sensario externo. th. 13. Sed ut in dolore
 etiam ad morales & spirituales flexum est, qui in mente non
 corpore subjectantur: Ita similiter hic in voluptate latius
 subjecta sunt extendenda: esto, definitio ad potiore analogi
 speciem, voluptatem corpoream, maximè sit referenda, quod
 in analogorum definitionibus non insolens esse dictum est th.
 13. Ita negat Scaliger ex. 299. f. 2. de voluptate recta & vi-
 tiosa, illa, qua passio est, & illa, qua qualitatibus, vel animi vel
 corporis, univocè & equaliter voluptatem ullâ ratione dici
 posse. Contraria sunt in eodem subjecto, scilicet in quan-
 tum sunt & manent contraria. Sic dolor corporis & volu-
 ptas corporis sunt contraria. In eodem ergo subjecto, sensu
 exteriore. Dolor & voluptas mentis etiam sunt contraria.
 Et hæc in eodem subjecto, mente, sed pro suâ ratione, & ad
 analogicam voluptatis cum prioribus speciebus attributionem,
 non univocam.

15. Additur ultimò in definitione, ex fine, quod
 voluptas suaviter subjectum perficiat. Finis voluptatis est,
 ut subjectum perficiatur, in statu scil. conveniente & com-
 modo sue nature. Ita qualibet voluptas subjectum tanquam
 finis ejus commodè perficit. Voluptas corporis in sensu exter-
 no perficit, ut ita in commoditate suâ servetur animal. Vo-
 luptas mentis in contemplando perficit, ut intelligens in beati-
 tudine suâ perficiatur. Veneria vol: perficit, ut species per
 eam conservetur. Spiritualis spiritualiter, corporalis corpo-
 raliter perficit: quævis pro suo subjecto & modo convenien-
 ter. Ultra quem si ad alienos fines extendatur, jam aliena à
 suâ naturâ abit. Ita si altorsum spectat potius, quàm ad li-
 quefactionem, attenuationem, lubricationem, delationem ci-
 bi, succive suapte naturâ crassioris, ex suis exit finibus, neq;
 amplius

amplius est voluptas. Si hac humana sapientia ad communia civium incommoda aut ad privatas noxias comparatur, jam aliud fit: non à suis partibus major, sed ab alienis deformior. Alio namque fine rapta priorem amittit formam, ut sunt verba Scalig. ex. 299. f. 2. Perficit a. voluptas & mediata, ut ipsa ad alium & ulteriorem finem accomodetur à subjecto; sic voluptas gustus adhibetur, ut commodè nutriendo conservetur animal: & immediatè ac formaliter, ut ipsa sit finis & perfectio subjecti, quâ adeptâ illud suaviter quiescat. Hoc Aristot. intendit, quando negat contra Veteres, eam esse motum: & potius statum, finem & quietem vocat. V. d. 5. t. 8. Et probatur: 1. Nulla perfecta ενεργεια est motus. Nam hic in fieri & tendentiâ ad formam acquirendam consistit, adeo q̄ est motus imperfectus, 3. Phy. c. 2 t. 14. Voluptas est perfecta ενεργεια. Nam & propter se expetitur, & in eâ ut fine subjecta quiescunt. Sic animal quiescit, cum benè & volupe habet, per se ultrâ aliquid non desiderat. 2. Voluptatis totum esse est simul, nec habet successionem, nisi per accidens, & ratione actuum, per quos extenditur. Sic voluptas edendi per 2. 3. horas extendi dicitur. At motus esse partialiter succedit, non simul totum est. Ergo.

16. Dices 1. Voluptas est in tempore, & per id continuatur. Sic voluptas tot horarum, dierum, dicitur. E. est motus. R. Est in tempore non propriè & ratione sua formæ internæ, sed per aliud, ratione motuum, in quibus est, & quorum adjun-ctum comitans est, qui per tempus & horas extenduntur. Inde non essentialiter fit perfectior, sed subjectivè & accidentaliter. 2. Cicero 2. d. finib. §. 8. voluptatem jucundum motum, quo sensus hilarentur, vocat. R. Obiter & generaliter Authores ita loquuntur, & magis causaliter, quàm formaliter. Est motus, quia in & cum motu, cujus suavis est determinatio & perfectio, ut dolor sensus dicebatur, quia in & cum eo, nunquam

quam sine eo. d. 5. r. 7. Sic rectè Cardanus l. 20. d. subit p: 981. Nobis voluptas fortassis semper est cum motu, quia & nos cum illo semper sumus. 3. Voluptas huic celerius, alij tardius inferitur. At celeritas & tarditas sunt accidentia motus. R. Voluptas celerius aut tardius inferitur passivè, ratione subiecti, quod voluptate perfunditur: non activè, quasi ipsa in suâ formâ celerius aut tardius invaderet. Sic enim in se ipso & in momento invadit: simul tota, non per successus tardiores aut velociores. Nos tardius vel citius ad voluptatem deduci possumus: sed ipsa ex ratione sui simul tota afficit. 4. Qui voluptate perfunduntur, mutantur ex tristibus in letos. E. voluptas est mutatio, & si. motus. R. Voluptas est mutatio, passivè sumpta, in eo qui mutatur: non in suâ essentiâ, sic enim status & perfectio est, magis quies, quàm motus. Sic est mutatum & perfectum esse, non ipse motus mutandi.

17. Ita voluptatis definitio, causæ & subiecta fuerunt. Sequitur divisio. In vel apparens vel vera. Apparens, ut cum Prodicus voluptatem in χαράν, ἡδονήν, & ὡφελιμίαν divisit. Ammonius voluptatē & ἀπολαύσιν addidit. Vbi & species cum genere confunduntur, & partes rei pro speciebus assignantur. V. Scalig. ex. 299. f. 2. Vera, quæ vel in species, vel gradus. Ex speciebus voluptas alia est ex suâ naturâ talis, alia ex eventu. Ex suâ naturâ talis, quæ rectè se habentibus subiectis competit, & talis ab illis iudicatur. Hæc est vel spiritalis vel corporalis. Spiritalis, quæ in spiritu vel spiritali facultate est, eamq; perfundit. Estq; vel supernaturalis vel naturalis. Supernaturalis, cujus principium est supernaturale. Estq; vel divina, quâ Deus in seipso perpetuo perfunditur, V. t. 12. Vel angelica, quæ in angelis bonis vel malis est. Bonis, ut cum gaudent super pœnitentiâ. Luc. 15. V. t. 13. Malis, cum voluptatem super peccatis & confusione capiunt, unde ἐν χαρῇ κακοῖς dicuntur: Vel bea-

orum hominum aut mentium separatarum, in quibus spiritalis animi facultas voluptate perfunditur. Quae vel in hac vitâ, ubi p̃j gaudent in Deo semper patre. Nehem. 8. v. 10. Psal. 28. v. 7. Psal. 37. v. 21. Psal. 63. v. 6. & passim: vel in alterâ, ubi gaudebunt in perpetuâ & intuitivâ patris visione. 1. Pet. 1. v. 8. Apocal. 21. v. 4. Vel hominum reproborum, magorum, lamiarum, quos interdum voluptate Sathanas perfundit, ut cum ad tripudia & solemnitates in monsem Bructerorum transportantur: interdum praestigijs eludit & phantasmatibus, ut sibi volupe esse putent, cum somnijs attineantur. Naturalis, quae ex naturâ principium habet, & vulgo vol: animi dicitur. Estq; vel intellectus, ex contemplatione orta, V. t. 2. Vel voluntatis, estq; gaudium de rectè honesteq; actûs. In Ethicis consequens & comes perpetuus summi boni moralis dici solet. Aristoteli 7. Eth. Nicom. c. 13. est operatio non impedita ab habitu secundum naturam profecta. Vbi operatio non impedita metalepticè est idem ac operationis jucunditas & perfectio, quae velut finis superexorients actui accedit, Utl. 10. c. 4. se explicat. Plato gaudium appellare mavult, quàm voluptatem. V. Piccolomin. gr. 9. c. 16. De eâ plura in Ethicis.

18. Corporalis voluptas est, quae in corpore & corporeâ facultate est, eamq; comitatur. Haec vel generalis est, quae omnes sensus & sensitivas actiones sequitur. Ita est voluptas visus ex inspectione elegantis picturae, loci viridis & amœni: Auditus ex auditione demulcentis Musica: olfactus ex odore rei fragrantis: Vel specialis, quâ gustum & tactum. Ab hac, si immoderata sit, homo dicitur intemperans: à prioribus propriè & per se non, sed respectivè & per aliud. Magis enim ad voluptates animi ea accedunt, unde & organa earum natura sublimius collocavit, quàm gustus & tactus. Sic nemo ob auditum Musica, visum pulchra rei per se intem-

perans dicitur, nisi ad tactus & gustus voluptatem illa referat. Sic si quis cantione obscenâ delectetur, ut libidinis appetitum pruriet: odorem vini exploret, ut ingluviem impleat, vel unguenta adhibeat, ut luxuriei vacet: picturas pulcras adspiciat, ut libidinem exsaturet. Hoc modo in odore maximam ponit luxuriam Scalig: ex. 286. f. 3. Conf. Arist. f. 28. probl. q. 2. Ultraquē vel honesta est, quæ in medio modoq; prudentia permanet: vel inhonesta, quæ à medio ad extrema recedit. Sic in tactu non est voluptas inhonesta totaliter & secundum totum corpus, ac omnia membra. Et si fricentur lacerti, scapula, crura in balneis, ut mudentur: titillentur volæ manus, vel alia partes delicati tactus, ut amorem erga aliquem significemus: exerceantur brachia, manus, in motu, ut validiora & agilia fiant: Sed partialiter, secundum os & pudenda, unde nimium vorantes, bibentes, venerem exercent, s. intemperantes, & moraliter inhonestos dicimus, quod voluptati cum belus communi sint dediti. De his disquirunt pluribus Ethici. Scaliger ex 286. f. 3. negat, voluptatem Veneream sensus tactus esse, sed sexti: cujusdam sensus distincti à s. reliquis externis. Sed ipse s. tantum esse sensus externos agnoscit & probat ex: 297. f. 2. 3. & f. 4. Objecti ratione unum sensum multa comprehendere ait. Vnde veteres axillarum titillationem & Veneream voluptatem eandem cum tactu, & simul ab eo diversas judicavisse. Voluptas honesta est vel necessaria pro servando individuo, ut cibi & potus, aut speciei, ut Veneris: vel arbitraria, ut quæ ex honoribus, divitijs & similibus provenit. Voluptas ex eventu est, quæ ex depravatione oritur, & junctum dolorem habet. Hæc in animalibus & brutis & rationalibus variâ ratione locum habet. Sic capræ genista est voluptaria, homini ingrata. Sic homines feri, cadibus, sanguine, rapinis delectantur, à quibus abhorrent moderari. Sanguinei appetunt Venerem, clureas, convivias.

convivia, à quibus abhorrent atrobilarij. Sic voluptas cibi & potus est voluptas, dum egemus: cum non egemus, non amplius est delectatio.

19. Ex gradibus voluptas est vel valida vel remissa. Valida, quæ vehementer afficit subiectum. Estq; vel intensa vel extensa. Intensa, quæ ratione modi vehementer afficit. Talis Dei & beatarum mentium est. V. t. 12. 17. Ejus exemplum est in illis, qui præ nimio gaudio repente moriuntur. De quibus Val. Max. l. 9. c. 12. Livius dec. 3. l. 2. c. 7. Plin. l. 7. c. 32. & 53. Gellius l. 3. c. 15. aliq; consulantur: Vel præ gaudio lacrymantur. Sic Cunradus III. Imperator præ gaudio flevit, cum fæminas maritos suos humeris exportantes vidit. Bodin. præf. met. hist. Plura exempla V. ap. Camer. C. 2. c. 26. Extensa, quæ ratione durationis diuturnè afficit. Viriusq; exemplum sunt homines voluptatibus ac delitijs dediti, & per illam vitam deducentes. Quales fuerunt Sybaritæ, de quibus V. Erasmus in adag: Sybaris, Sybariticilibelli, & Sybaritica mensa. Smindyrides Sybarita, cujus Aristot. 1. Eudem. c. 5. mentionem facit, jactare solitus est, se delitijs indulgentem à 20. annis, nec solem orientem nec occidentem animadvertisse. Lanf. or. c. Ital. Siculi voluptuosi fuerunt, unde mensa Sicula & Syracusana pro delitijs affluente. Vid. Erasim. in adag. Syracusana mensa. Plautus Prol. Rud. Eat in Sicilia, ibi esse homines voluptarios dicit. Conf. Athenæum l. 12. dipnoso. c. 5. Dionysius Sicilia tyrannus per 90. dies potationes continuare est solitus. Id. l. 10. c. 12. Epidamnij voluptatibus dediti. Plautus Menæch. a. 2. sc. 1. Nam ita est hæc hominum natio Epidamnica, Voluptarij atq; potatores maximi. Ahasueri convivialis voluptas ad 18. dies extensa fuit. Esth. 1. v. 4. Sardanapalus mollis & voluptuosissimus fuit. Athenæ. l. 11. c. 12. Babylonij voluptuosi. Curt. l. 5. c. 1. Plura eorum exempla

empla apud Athenæum l. 12. c. 3. 4. 5. seq. Valerium M. l. 9. c. 1. Apolephten l. 1. erquid p. 603. 604. seq. Goclenium tra. d. lux. conuiu. Meursium l. de lux. Roman. Camerar. C. I. c. 20. & alios videantur. Remissa voluptas est, quæ leuiter afficit subiectum. Ejus exemplum est scalptura in pruritu, quæ est rarefactio cutis, ut emittatur quod urit, & attenuetur humor, ut exhalet: Et titillatio, quæ est motus in superficie partium sensibilium nervosarum, in quo pars insurgit ut refugiat & tangenti resistat. Ita tandem spiritus istarum partium subsiliunt, & sensus in illis est presentissimus. Conf. Scaliger. ex: 317. f. 5. Cardanus eam de genere scabiei ait esse. l. 21. subt: p: 10. 12. Ineptissimè. Cum scabies dolor sit & morbus, titillatio voluptas. Dolemus in scabie, ridemus in titillatione. Id. Scal. ex: 364. f. 1. Opposita species nequit esse genus opposita. Scabies est dolor, titillatio voluptas. Differt à scalptione leuitate. Titillatio leui fit attactione, scalptio acriori. Queritur de eâ 1. Cur titillatio soli homini competat? Quia solus cutem & tactum temperatissimum habet, & solus inter animantes ridet. Moveri n. titillatio risum per leuem partium laxarum contrectationem. Arist: 3. d. part: anim. c. 10. Goclen. adu: f. 20. 2. Cur sub alis, plantis pedum & in labris maximè titillamur? Quia partes illæ subtiles, taxæ, spirituosæ, & puro sanguine plene sunt, & tactus in illis insuetus. Insuetorum autem citissima est perceptio. Et sub plantis concursus nervorum terminatur, qui maximè sentientes: unde sensus subtilis ibi. 3. Cur nosmetipsos titillare non facile possumus? Moveri id Aristot: f. 35. prob: q. 6. Negat Scalig. ex. 317. esse verum. Sed minus à seipso aliquem moueri, quod nemo sibi sit extraneus: magis ab extraneo, quod plus de isto imaginatio concipiat. Sic plus dolere putamus, si alius vulnera nostra tangat, quàm si nos ipsi. Et verbera ac plaga ab alio incussa acerbiorẽ sensum præstant, quam si

quàm si nosipfos pulsemus. Ratio tamen ab Aristotele c. 1. & Septalio in h. l. assignatur, quòd alienatio quædam mentis & defraudatio risus ex titillatione sit: clandestinum autem omne & ignotum fraudulentum. Oportet aliquid repente & latenter accedere, ut titillatio & ex eâ risus excitetur. Sed nullius tactus sibiipso potest occultè occurrere, non enim aliquis sibiipso peregrinus esse potest. Nec titillatio à nobis ipsis incussa inopini aliquid habere potest, cum phantasia comitetur ipsum titillatus motum, antequam fiat & cum jam sit. Sed cum alij subito & incautos nos aggrediuntur, multò profusiorum risum excitant. Conf. Vallesium l. 5. Cont. Med. c. 9. & l. 8. c. 5.

20. Fuit divisio voluptatis. Sequuntur affectiones. Eæ sunt appetibilitas, quâ ut bonum & jucundum quid appeti potest: Illectio, quâ suavitate sui, præsertim homines, allicit: & inprimis voluptates corporeæ id agunt, quas ob id Plato escam malorum appellavit, quòd velut hami sint, quibus homines capiuntur, ut refert Cicero d. senect. §. 44. & quibus nullas capitaliores pestes datas esse à naturâ Architas dixit. Id. c. 1. §. 39. Diuturnitas aut brevitās, quibus interdum subjecta perfundit. Jubilus & exultatio, quam aliquando in percipientibus ciet. Sic Israelita jubilârunt. Jos: 6. v. 20. 1. Sam. 4. v. 5. Esdr. 3. v. 12. Græci libertate à Flaminio donati tanto clamore exultârunt, ut aves prætervolantes deciderint. Plutarch: in vit: Flaminij. Valer. M. l. 4. c. 8. n. 5. Risus, qui quandoq; voluptati junctus est, si admiratio aliqua ad voluptatem accedat. Lacrymæ, quas voluptas quandoq; evocat. V. t: 19. Dolor & calamitas, quæ plerumq; voluptatis pedisequa in hac vitâ. V. th: 1. Corporis & virium labefactatio, quâ voluptas, si vehemens & crebra sit, vigorem consumit, unde plus nocuementi putatur inferre, quàm dolor. V. Aristot: 3. Eth. Nicom. c. 12 Senecam. l. 1. epist. 95. Et scriptura do-

lorem commendat prærisu, quòd per tristitiam corrigatur animus delinquentis. Eccles. 7. v. 3. 4. Imò insaniam interdum conciliare scribitur. Hinc vino & ebrietati furorem tribuit scriptura. Hos. 4. v. 11. c. 7. v. 5. Poëta cupidinem finxerunt cæcum: Et vinum juxta Hieronymi paranomasian venenum est, quod mentem evertat. Cerebrum enim exsiccatur, spiritus perturbantur. Veteres sirenes, in amœnissimo porto pinxerunt, sed juxta eas ex gramine apparentia undiq; ossa mortuorum. Indicantes, voluptates etsi suaves sint, comites tamen trahere ruinam & perniciem, ac ipsam deniq; mortem. Camerar. C. 1. c. 19. Plancus Plotinus in proscriptione odore unguentorum proditus est. Id: c. 20. Valer. M. l. 6. c. 8. Idem Muleassi Tinetorum Regi contigit. Camer: C. 2. c. 30. Cleomenes spartanorum Rex ex longâ cum Scythis belluatione ita ferus redditus, ut proprios artus sibi detruncari jussisset. Rursus moderata voluptas suaviter reficit vires corporis & conservat illud: Balnea, Vina, Venus conservant corpora nostra. Gratarolus l. 2 d mem: multum memoria conducere aut, cantu vel suavi oratione percepta sæpè recensere. Esse enim voluptatem rerum condimentum, amoris escam, ingenij incitamentum, voluptatis pabulum & robur memoria.

21. Ita absolutè voluptas explicata: Respective cum cognatis & oppositis spectetur. Cognata voluptatis sunt omnes res læta & grata, quæ gaudium ac lætitiâ conciliare possint. Ut, comædia, musica, choreæ, convivia, nuptiæ, tripudia, juba, historia, narrationes, & fabellæ suaviter officientes, ludi, exercitia hilaritatis, amores, delicia, festa, solennitates. Ex substantijs homines voluptatibus demersi, de quibus th. 19. festivi, hilares, lætibundi: bruta item quæ in delicijs habere solemus, ut catelli melitæ, simiæ, cercopi hec, pavones & similia. Opposita ejus sunt vel privativa vel contraria. Privativa sunt status indifferentes, nec doloribus infestati, nec

stati, nec voluptatibus diffuentes, ut hominum temperantium & virtuosorum: Somnus item & sensus ligatio, ut in apoplexiâ, caro, & similibus affectibus. Contraria sunt vel propria vel analogica. Proprium contrarium voluptatis est dolor, de quo d. 5. Analogicum partim senectus, quæ voluptatum plerumq; contemptrix. V. Ciceron. d. senect. §. 39. Hinc Barsillari negat delectari se posse cibo aut potu, aut voce cantorum & cantatricum, quod octogenarius esset. 2. Reg. 19. v. 35. partim homines se veri & rigidi, qui rigido vitendi genere voluptatibus bellum indixerunt & austera vita se manciparunt, ut Qu: Cincinnatus & Abdolonymus. V. Camer: C. 2. c. 33. Veteres Macedones. Curt: 1. 3. c. 2. Veteres Romani, de quibus Seneca ep: 90. cum frigida parvas preberet spectacula domos ignemq; laremq;, ut de illis Juvenal. sa. 6. canit. Cato, M. Curius, & alij. V. Valer. M: 1. 4. c. 3. Sacerdotes Aegyptiaci, Zeno, Hieronymus, Paulus Eremita, Onyphrius & alij austera vita fuerunt. V. Apolepht. l. 1. §. 1. p. 635. seq: Johannes Baptista. Matt. 3. v. 4. Luc. 3. v. 33. Conf. Camerar. C. 1. c. 19. partim qui in ipsâ voluptatum occasione se continentissimos exhibuerunt, quorum exempla aliquot disp. 8. t. 27. hujus decades exhibebit; partim naturâ seu durâ & crudeles, aut vitio & improba assuetudine tales, qui omne voluptatum genus, etiam licitum, ab se amoverunt. Et hæc etiam de opposito doloris, voluptate disceptata sunt.

Additamentorum loco.

De passione Christi passim hoc tempore pulvita Ecclesiastica resonant, nec immerito. Queritur, an voler te DEO illa contigerit, an tantum permittente, & ad finem salutarem dirigente? Distinguentiam hic inter passionem & mortem, ejus finem & passionis formam & modum specialem. Passionem & mortem ejusq; finem & tempus DEUS voluit. Sic

Sic enim prädixerant Prophetae, Christum moriturum, Esai: 53. v. 8. Luc. 24. v. 26. 44. 46. Zach: 13. v. 7. I. Pet: 1. v. 11. Et definito consilio Dei traditus dicitur. Act: 2. v. 23. Manus Dei & consilium decrevit hoc fieri. c. 4. v. 28. Sic tempus Deus destinavit, quo pati Christus debeat, cum aliàs ante illud sepè voluerint Judai Christum occidere, nec potuerint. Joh: 7. v. 30. Luc: 22. v. 53. Sic ut nos morte Christi redimeremur, etiam Deus voluit. Esai: 53. v. 4. 5. Rom: 5. v. 10. I. Cor: 15. v. 3. 2. Cor. 5. v. 21. & ut ipse per passionem consummaretur ad gloriam. Luc: 24. v. 26. Act: 2. v. 36. Heb: 2. v. 9. 10. c. 12. v. 2. Phil: 2. v. 9. Sed talem passionis modum & formam, qualis ab Judais infligta, Deus non voluit, ut tam crudeli sevoq; modo innocentem tractarent Judai. Sic enim per manus iniquorum interemptus est. Act: 2. v. 23. & in manus peccatorum traditus. Matth: 26. v. 45. Sic Diabolus in cor Judæ misisse dicitur, ut traderet eum. Joh: 13. v. 2. Luc: 23. v. 3. eog; vā ipsi inclamatur, Matt: 26. v. 24. Sic potestas tenebrarum vocatur. Luc: 22. v. 53. Et diversi fines Dei & hominum fuerunt. Sic Judas intendebat avaritiam suam implere, tradendo Christum. Luc: 22. v. 4. Joh: 12. v. 6. Pharisai crudelitatem suam sariare, Matt. 21. v. 45. 46. Luc: 20. v. 19. & famam terrasq; conservare, Joh. 11. v. 48. Pilatus invidiam Caesaris & Judæorum declinare. Luc. 23. v. 24. Joh. 19. v. 12. 13. Deus humanum genus redimere intendit. Joh. 11. v. 52. Ita ex diversis finibus diversi actionum modi sunt estimandi. Sic fratres Josephi propriā malitiā ve: debant Josephum, ut amoverent eum à conspectu suo & parentum, Gen. 37. v. 27. quia odiosus ipsis erat. v. 4. 8. sed Deus ad conservationem ipsorum hoc factum dirigebat, & longè aliud intendebat Gen. 45. v. 5. 7. 8. c. 50. v. 20. Simile de passione Christi habendum. Et notanter dicitur Act. 2. v. 23. Herodem & Pilatum fecisse, quæ Deus decreverat fieri: non ut ipsi

ipsi facerent. Tò fieri ad finem & eventum rei pertinet,
non modos faciendi. Hinc rectè p̃ Veteres: Actio displicuit.
passio grata fuit. Potuisset Deus alijs medijs Christum in mor-
tem dare, etiam cruentam, quando sine sanguinis fusione nulla
redemptio. Hebr. 9. v. 22. etiamsi manus tot scelestorum
non supervenissent.


Voluntas divina & humanitatis Christi nullâ rati-
one repugnârunt in passione, etsi passionem deprecatus fuerit.
Christus, Matth. 26. v. 39. Non enim absolute deprecatus est,
ut in totum sibi contrarium quid, sed cum conditione, sicut
pater velit. Et hujus ratione totum se Christus patris volun-
tati submittit. Diversitas hic quædam est, non contrarie-
tas. Refugit Christus mortem voluntate per modum natura-
liter spectatâ, quomodo omne vivum corruptionem sui
naturaliter horret, si benè habet, quam velleitatem appellat.
Conaventura distinctionis gratiâ: Appetivit voluntate per
modum rationis & cum deliberatione spectatâ, quam absolu-
m voluntatem Idem appellat. Fugit mortem, materialiter
ex parte, ut cum irato judicio & sevo passionis actu conjun-
cta futura erat: Appetivit ex toto, ut cum salubri fine &
actu, redemptione totius orbis, conjuncta erat. In primo o-
cendit Christus se verum hominem, qui per omnia tentatus
est, ut nos. Hebr. 4. v. 15. In secundo se sanctum hominem
probavit, qui in omnibus voluntati divina se conformaret.
Gal. 40. v. 9. Joh. 6. v. 38. Hebr. 10. v. 7. Inter illa pro-
priè est contrarietas, qua circa idem secundum idem & ean-
dem rationem sumptum inter se contrariantur. Non ita in
voluntate DEI & Christi hominis.

Passio Christi est æterna ratione decreti divini
& efficacia, qua æterna est, & per omne tempus mundi diffu-
sa. I. Pet. 1. v. 20. Hebr. 9. v. 12. c. 10. v. 12. 14. Et ab o-
rigine mundi caput. Act. 13. v. 8. ratione predicationis. Gen.

3. v. 15. *typica in sacrificijs V. T. oblationis.* Hebr. 9. v. 23. c. 10. v. 11. 12. & *meriti Christi salutaris applicationis à fidelibus in V. T. peracta.* Hebr. 11. v. 4. *Temporaria est ratione ipsius actus & effectiōis, quæ semel peracta.* Rom. 6. v. 10. Hebr. 9. v. 26. 28. c. 10. v. 10.

Est dictum Gen. 3. v. 15. non legatur expresse de Christo ejusque passione in N. T. explicatum, sæpius tamen ad id Apostolos intendisse palàm est. Ut cum Christum destruere opera Diaboli dicunt, 1. Joh. 3. v. 8. cum Diabolum serpentem vocant. 2. Cor. 11. v. 3. Apoc. 12. v. 9. c. 20. v. 2. cum de semine Abraha, in quo benedicenda gentes erant, loquuntur Act. 3. v. 25. 26. Gal. 3. v. 16. Sic dictum Esai. 2. v. 2. non legitur prius ad Ecclesiam accommodatum; diabolus tamen ad id est. Et in ipso sensu dicti Gen. 3. involvi opus Messia patet & ex opere ipso attributo, contritione capitis serpentini, quæ Christi est. 1. Cor. 15. v. 54. seq. Hebr. 2. v. 14. & ex oppositâ comminatione, morte morieris, quæ inter reliqua & mortem æternam comprehendit, quam consolatione illi Gen. 3. propositâ tolli oportuit.

Potuit Christus voluntate suâ trīstari de morte instante, quatenus erat malum natura, et eadem gaudere de illâ, quatenus utilis ad multorum salutem erat, citra contrarietatem: Non enim voluntas circa idem objectum eodem modo spectatum se habebat. Nec ex gaudio beatifico, in quo Christus semper fuit, sequitur, non potuisse ipsum trīstari de passione. Nam gaudium illud versatur circa solum Deum, non circa alia, quæ ex illo prævideri possunt. Non ergo impedit, quo minus de alijs trīstari possimus. Sic trīstabatur de excidio Hierusalem. Luc. 19. v. 41. morte Lazari. Joh. 11. v. 33. 35. salvâ beatificâ visione,

itun
ere
and
re.
ti-
to:
are,

no-
r li
pe-
-



